



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 184. Basileensium anxietas ob Panormitani orationem.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

tata hac animi sententia Basileensibus facta ^{Sæcul. XV.}
 vere statuebat, atque ad Felicem hoc anno ^{A. C. 1441.}
 Virum ablegabat, qui ejus nomine Amadæo tanquam Pontifici reverentiam exhiberet, ac obedientiæ homagium exsolveret, simulque grates rependeret pro collato Cardinalatus honore, quem hucusque haud aliam ob causam acceptare cunctatus esset, quam quod jam antea hac dignitate ab Eugenio auctus fuisset. Præterea Polonorum Rex, qui dudum sua obsequia Felici addixisset, si præter Regis Hungariæ titulum, etiam pecunias ex indulgentiis collectas obtinuisset, eidem denique adhærere visus est, dum in ditionibus suis Eugenio Papæ obedientiam præstari prohibuit.

§. CLXXXIV.

Basileensium anxietas ob Panormitanam orationem.

Patricius ad hunc annum refert turbas, ^{Aug. Patric. loc. cit. art. 120.}
 quas inter Basileenses sermo quidam ab Archiepiscopo Panormitano prolatus excitaverat. Rem hisce verbis narrat Patricius. *In celebritate Pentecostes, cum Felix rem divinam faceret, Panormitanus sermonem habuit, in quo, cum de auctoritate Concilii & Papæ loqueretur, asseruit*

Sæcul. XV. seruit, Papam esse majorem generali Concilio: neque recte agi a Patribus, quod nomen Pontificis nomini Concilii postponerent, quoniam ipse esset caput Concilii, & Episcopus Universalis Ecclesiæ; sed hanc prerogativam habere Pontificem in rebus alienis (scilicet suam Personam non concernentibus) in factis autem propriis ita Papam subesse Concilio, ut etiam pro quocunque peccato mortali notorio Ecclesiam perturbante posset a Concilio judicari. In alienis autem iudicium ad eum omnino pertinere, ad quem etiam definitiones fidei spectarent, etiam præsentem Generalem Concilio. Hæc Panormitani verba multorum Patrum Basileensium animos admodum perturbarunt, præstantes, ea aperte contra Basileensium (*) Synodi doctrinam esse, & in favorem Eugenii. Monitus super his Panormitanus coram Felice & Cardinalibus suis, se multis verbis purgavit, ostendens prius, quæ & quanta fecisset pro auctoritate & defensione sacri Concilii: se ea verba protulisse ardore quodam sermonis, & non ea intentione, qua multi acceperant, sed neque ita esse interpretanda. Proinde acciperent ejus bonam mentem, qui auctoritati Conciliorum favisset semper, faveretque, quoad viveret.

§. CLXXXV.

(*) Textus habet Constantiensis.